

ԽՆԵՐ ՀՈՐԵԼՅԱԼՆԵՐԸ

ՍՏԵՓԱՆ ՄԻՐՈՆԻ ԽՆՁՈՐՅԱՆ

Հրապարակ ՍՍՀՄ-ում և արտասահմանում ճանաչում գտած վաստակաշատ միջատաբան-բզեզագետ Ստեփան Միրոնի Խնձորյանի (Յաբլոկով-Խնձորյանի) 70 տարին: Յուրովի է դասավորվել Ստեփան Միրոնի Խնձորյանի գիտական գործունեությունը: Ստանալով բարձրագույն պոլիտեխնիկ կրթություն Փարիզում, երկար տարիներ ճարտարապետության գծով աշխատել է ֆրանսիական տար-



բեր կազմակերպություններում: 1947 թվին հայրենադարձվում է Սովետական Հայաստան և շարունակում զբաղվել ճարտարապետությամբ (ալյումինի գործարան, Շինանյութերի գ/հ ինստիտուտ և այլն): Սակայն նրա իսկական կոչումը միջատաբանությունն էր: Մանկուց հավաքել է Հյուսիսային Կովկասում տարածված բզեզներ: Փարիզում սովորելու տարիներին և հետագայում շրջել է Եվրոպական երկրներում կազմելով բզեզների հավաքածու: Գործուն մասնակցել է Սենաի ավազանի բզեզագետների (կոլեոպտերոլոգների) ընկերության աշխատանքներին, եղել է նրա փոխնախագահը և նախագահը: Սակայն Սովետական Հայաստան վերադառնալուց հետո միայն հնարավորություն է ստանում ուժերը ամբողջովին նվիրելու սիրած մասնագիտության՝ միջատաբանությանը: Մասնակցել է Հայաստանի անտառների վնասատու էնտոմոֆաունան ուսումնասիրող արշավախմբին, աշխատել է բուսաբանական այգում և վերջապես ըն-

դունվել է Կենդանաբանության ինստիտուտ, որպես կրտսեր և ապա՝ ավագ գիտական աշխատող, որտեղ և աշխատում է մինչև այժմ:

1954 թվին՝ լենինգրադում պաշտպանել է թեկնածուական դիսերտացիա՝ «Հայկ. ՍՍՀ կաղնու կարծրաթևերը», իսկ 1964 թ. Երևանում դոկտորական դիսերտացիա՝ «Հայկ. ՍՍՀ գնալուկ բզեզները»: Վերջինս հանդիսանում է այդ խմբի բզեզների առավել լրիվ ամփոփագիրը: Ս. Մ. Խնձորյանի գրչին են պատկանում 120-ից ավելի հրատարակված աշխատություններ, որոնցից հատկապես արժի նշել «Հայաստանի կարծրաթևերի գենեզիսի վերականգնման փորձ» (1961), «Հայկ. ՍՍՀ թերթաբեղերը» (1967) և այլն: Նրա աշխատությունները լուրջ ներդրում են Հայաստանի կարծրաթևերի ուսումնասիրման բնագավառում: Աշխատություններից շատերը նվիրված են բզեզների էկոլոգիային, տարածվածությանը և կենսաբանության ընդհանուր հարցերին: «Բզեզների դերը ծաղիկների փոշոտման գործում» (1954), «Զոնայականության դերը էվոլյուցիոն պրոցեսում» (1961), «Էվոլյուցիայի ռիթմիկան» (1963), «Տեսակի մասին» (1968) և մի շարք այլ աշխատություններ միջատաբանության լուրջ տեսական աշխատանքներ են: Տիրապետելով ֆրանսերեն, անգլերեն, գերմաներեն լեզուների, նա հաճախ տպագրվում է արտասահմանյան միջատաբանական պարբերականներում:

Նրա աշխատություններից շատերը ունեն գործնական արժեք: «Հայկ. ՍՍՀ կաղնու ականող երկարակնճիթները», «Հայկ. ՍՍՀ անտառներին վնասող որոշ միջատների դինամիկայի առանձնահատկությունները», «Հայկ. ՍՍՀ-ի գնալուկ բզեզները և նրանց գյուղատնտեսական նշանակությունը» աշխատությունները օգտագործվում են բույսերի պաշտպանության բնագավառի աշխատողների կողմից: «Գյուղատնտեսության, անտառի և պահեստային տնտեսության վնասատուները» տեղեկագրքի (որը տպագրվում է հայերեն) համահեղինակն է:

Ներկայումս տպագրվում է նրա Հայաստանի ֆաունայի շարքից — «Գնալուկ բզեզները» մենագրությունը, 20-ից ավելի աշխատություններ սպասում են տպագրության:

Ստեփան Միրոնովիչը մեծ աշխատավոր բնասեր է: Հայաստանում գրտնրվելու ժամանակամիջոցում շրջագայել է Կարպատներում, Ղրիմում, Կովկասում, Միջին Ասիայում, Ղազախստանում, Ուրալում, Սիբիրում, Հեռավոր Արևելքում: Հայաստանի բնությունը դիտի զերազանց: Նրա անձնական հավաքածուն բովանդակում է 11.000 ավելի տեսակի բզեզներ, նրա կողմից հայտնաբերվել են և նկարագրվել գիտության համար 213 նոր տեսակի բզեզ, իսկ Հայաստանի համար առաջին անգամ նշված բզեզների թիվը 2500 տեսակից ավելի է: Մեծ օգնություն է ցույց տալիս Կենդանաբանության ինստիտուտի միջատների հավաքածուի հարստացմանը: Դրան մեծապես նպաստում է նրա մշտական կապերը տարբեր երկրների ճանաչված բզեզագետների հետ:

Ս. Մ. Խնձորյանը մեծ էրուդիցիայի տեր, բաղմակողմանի պատրաստված միջատաբան գիտնական է: Մշտապես նպաստում է ասպիրանտների և երիտասարդ կենդանաբանների պատրաստման գործին: Նրա մոտ հաճախ կարելի է տեսնել խորհրդի եկած գիտնականների, դասախոսների, գյուղատնտեսության և անտառի աշխատողների:

Կենդանաբանության ինստիտուտի և Հայկ. ՍՍՀ ԳԱ Կենսաբանական գիտությունների բաժանմունքի Միացյալ գիտական խորհուրդների անդամ է: Լու-

սավորության աշխատավորների հանրապետական խորհրդի կողմից 1970 թվականին պարգևատրվել է «Պատվո զրով»:

Ստեփան Միրոնովիչը լի է երիտասարդական ավյունով և շարունակում է հարստացնել հայրենական կենդանաբանական գիտությունը նոր հայտնագործություններով:

Յանկանք վաստակաշատ գիտնական-միջատաբանին քաջաոգոջություն, ակտիվ գործունեության երկար տարիներ և ստեղծագործական նոր՝ նվաճումներ:

Գ. Մ. ՄԱՐԶԱՆՅԱՆ